

Ettersending av dokument til formannskapsmøte 8. desember 2015

PS 201/15 – Spørsmål knytt til funksjon som ordfører s. 1

**OS 136/15 - Utsendingar til landstinget i LNK Landstinget for s. 12
nynorskkommunar - Ulsteinvik 8.-9. juni 2017**



SAKSDOKUMENT

Sakshandsamar: Sonja Håvik

Arkivsak nr.: 2015/1850

Arkivkode: 033

Utvalsaksnr

Utval

Møtedato

Formannskapet

Kommunestyret

SPØRSMÅL KNYTT TIL FUNKSJON SOM ORDFØRAR

Arbeidsgruppa si tilråding til formannskapet:

- 1. Arbeidsgruppa held fast ved praksis over fleire tiår med at ordførarombodet skal vere på fulltid. Godtgjersla skal tilsvare 50 % av løna som ein stortingsrepresentant har pr. år. Godtgjersla er medrekna møtehonorar. Ordførar vert ikkje innmeldt i pensjonsordninga.*
- 2. Godtgjersle for varaordførar skal være 30% av ordførargodtgjersla. Godtgjersla er medrekna møtehonorar og tapt arbeidsforteneste.*
- 3. Innsparing tilsvarende 30% av ordførargodtgjersle, skal setjast av til disposisjon for formannskapet.*
- 4. Denne ordninga gjeld for perioden 2016-2019 så lenge som Jørgen Amdam er ordførar.*

Vedleggsliste:

Referat frå møtet i arbeidsgruppa 03.12.15

Jørgen Amdam - stillingsprosent ordførar, 02.12.2015

Vedtak KST-sak PS 114/15. Spørsmål knytt til funksjon som ordførar

Notat frå Jørgen Amdam, datert 14.10.15

Skriv frå ordførar Arild Iversen til Jørgen Amdam, datert 19.10.15

Epost frå partigruppene Høgre og Frp av 25.10.15 - spørsmål knytt til funksjon som ordførar

Samandrag av saka:

Med bakgrunn i kommunestyrevedtak PS 114/15 og formannskapsvedtak PS 175/15, har arbeidsgruppa drøfta spørsmål kring godtgjersle og stillingsstorleik til ordførar og varaordførar, samt innmelding i pensjonsordninga.

Rune Sjurgard
Rådmann

Inger-Johanne Johnsen
sektorsjef kultur og service

Sonja Håvik

Fra: Oddny Vatnehol
Sendt: 7. desember 2015 15:01
Til: Sonja Håvik
Emne: VS: Stillingsprosent ordfører

Fra: Jørgen Amdam
Sendt: 2. desember 2015 11:00
Til: Oddny Vatnehol
Emne: SV: Stillingsprosent ordfører

Hei

1. Ordfører 80 % var meint som ein overgang til somaren 2016 pga andre gjeremål som eg no har rydda av vegen, eg har må fått sluttoppgjer frå HVO – så for å presisere så er eg no og i fortsetjinga ordfører i 100 %!
2. Kva gjeld pensjon så vil eg be om at den ikkje blir betalt for meg, den kostar mykje og gir meir ulemper enn fordelar for meg.
3. Eg vil fortsatt be om at godtgjersla for meg personleg og av grensa til så lenge eg er ordfører blir satt til 50% og utan at dette har konsekvensar for andre godtgjersler.

Eg gjer også merksam på at eg er over 70 og har rett på 6 veker ferie og då vil varaordfører vere ordfører og bør ha rett på tilsvarende godtgjersle som ein vanleg ordfører. Eg meiner at så lenge eg er ordfører er det rimeleg at varaordfører har 30% godtgjersla av stortingsrepresentant og slik at dette omfattar alle vederlag unnateke reiserekningar – dvs. fart godtgjersle, møtegodtgjersle, tapt arbeidsforteneste m.m. Sidan Fride er sjølvstendig næringsdrivande vil samla godtgjersle til henne på årsbasis vere nær 30% av vanleg ordførergodtgjersle trur eg – dette kan du sikkert rekne ut.

Beste helsing Jørgen

Ordfører Jørgen Amdam
Volda kommune
95463942
jorgen.amdam@volda.kommune.no



Volda kommune

Fra: Oddny Vatnehol
Sendt: 2. desember 2015 10:48
Til: Jørgen Amdam
Emne: Stillingsprosent ordfører

Eg skal vere med i nemnda som skal sjå på saka om godtgjersle ordfører og varaordfører. Vi har skrivet frå deg, men eg lurar på om det er slik du framleis meiner du vil ha det. At du skal vere 80% ordfører og ha 50% godtgjersle. Og ikkje pensjon.

Eg spør fordi eg las i Møre at du hadde uttalt at du skal vere 100% ordfører og difor lurar eg på om noko har endra seg.

Mvh Oddny



VOLDA KOMMUNE
Servicekontoret

«MOTTAKERNAVN»

«KONTAKT»

«ADRESSE»

«POST» «POSTSTED»

Arkivsak nr.
2015/1850

Lopenr.
11276/2015

Arkivkode
033

Avd/Sakshandsamar
SVK/ UNNISTRA

Dato
02.11.2015

MELDING OM POLITISK VEDTAK - SPØRSMÅL KNYTT TIL FUNKSJON SOM ORDFØRAR

Vi melder med dette frå at kommunestyret den 29.10.15, hadde føre ovannemnde som sak PS 114/15, der det vart gjort slikt vedtak:

- 1. Kommunestyret tek saksutgreiinga frå rådmannen til orientering.*
- 2. Det vert presisert at saker som har større økonomiske konsekvensar eller har andre konsekvensar og som krev utøving av skjøn og prioriteringar er prinsipielle. Slike saker kan ikkje delegerast til ordførar.*

Oversending til formannskapet for vidare handsaming:

- 1. Kommunestyret held vidare fast ved praksis over fleire tiår med at ordførarombodet skal vere på fulltid og reglement fastsett av kommunestyret om godtgjersle.*
- 2. Godtgjersle for varaordførar skal framleis vere 10% av ordførargodtgjersla.*

Sakutgreiinga følgjer vedlagt.

Volda kommune, servicekontoret

Unni Strand
sekretær

Kopi til:
Rådmann Rune Sjurgard

SAKSDOKUMENT

Sakshandsamar: Rune Sjurgard

Arkivsak nr.: 2015/1850

Arkivkode: 033

Utvalsaksnr

Utval

Møtedato

114/15

Kommunestyret

29.10.2015

SPØRSMÅL KNYTT TIL FUNKSJON SOM ORDFØRAR

Handsaming:

Saka vart utdelt på møtet.

Erlend Krumsvik (Krf) kom med fylgjande felles framlegg frå Frp og Krf:

1. *Kommunestyret tek saksutgreiinga frå rådmannen til orientering.*
2. *Kommunestyret held vidare fast ved praksis over fleire tiår med at ordforarombodet skal vere på fulltid og reglement fastsett av kommunestyret om godtgjersle.*
3. *Godtgjersle for varaordforar skal framleis vere 10% av ordførargodtgjersla.*
4. *Det vert presisert at saker som har større økonomiske konsekvensar eller har andre konsekvensar og som krev utøving av skjøn og prioriteringar er prinsipielle. Slike saker kan ikkje delegerast til ordførar.*

Subsidiært fremma Erlend Krumsvik pkt. 2 og 3 som eit oversendingsframlegg til formannskapet.

Det vart halde gruppemøte.

Punktvis røysting:

Pkt. 1 i fellesframlegget vart samrøystes vedteke.

Pkt. 2 fekk 12 røyster og fall. 15 røysta mot.

Pkt. 3 fekk 13 røyster og fall. 14 røysta mot.

Pkt. 4 vart samrøystes vedteke.

Subsidiært framlegg frå Erlend Krumsvik vart samrøystes vedteke.

Vedtak i Kommunestyret - 29.10.2015

1. *Kommunestyret tek saksutgreiinga frå rådmannen til orientering.*

2. *Det vert presisert at saker som har større økonomiske konsekvensar eller har andre konsekvensar og som krev utøving av skjønn og prioriteringar er prinsipielle. Slike saker kan ikkje delegerast til ordførar.*

Oversending til formannskapet for vidare handsaming:

1. *Kommunestyret held vidare fast ved praksis over fleire tiår med at ordførarombodet skal vere på fulltid og reglement fastsett av kommunestyret om godtgjersle.*
2. *Godtgjersle for varaordførar skal framleis vere 10% av ordførargodtgjersla.*

Administrasjonen si tilråding:

Kommunestyret tek saksutgreiinga til orientering.

Vedleggsliste:

1. Notat frå Jørgen Amdam, datert 14.10.15
2. Skriv frå ordførar Arild Iversen til Jørgen Amdam, datert 19.10.15
3. E-post frå partigruppene Høgre og Frp av 25.10.15

SAKSOPPLYSNINGAR:

Partigruppene Høgre og FRP ber om eit notat frå rådmannen i høve dei spørsmåla som Amdam reiser i sitt notat av 14.10.15.

Ordføraren har overfor rådmannen opplyst at han har kome til at nemnde notat frå Amdam og svarbrevet frå ordførar bør flyttast frå saka om val av ordførar, og ordføraren har bedt rådmannen leggje fram ei eiga sak som omhandlar problemstillingane i notatet frå Amdam.

Storleik på ombodsfunksjonen

Ordførar er eit ombod og ikkje stilling. Rådmannen vil gjere merksam på at det er politikanane ved kommunestyret som fastset storleiken på funksjonen og godtgjersla til ordførar og varaordførar.

Godtgjersle for ordførar og varaordførar er regulert i punkt 2 i reglement fastsett av kommunestyret i K-sak 54/13, jfr følgjande utdrag:

A. Ordførar

Godtgjersle for ordførar vert sett til 100 % av løna som ein stortingsrepresentant har pr år.

Godtgjersla skal utbetalast etter same reglar som for dei tilsette i kommunen med tanke på feriepengar, sjukeløn mm.

B. Varaordførar

Godtgjersle for varaordførar vert sett til 10 % av ordførargodtgjersla.

Godtgjersla vert automatisk regulert i samsvar med reguleringa i løna til stortingsrepresentantane.

Ordføraren kan ha godtgjersle for tilleggsverv som kjem i tillegg til ordførargodtgjersla dersom ikkje anna går fram av godtgjerslereglementet.

Fordeling av godtgjersla

Det kan setjast opp følgjande reknestykke basert på nemnde notat frå Amdam:

Kostnad med ordførar i 100 % (justert pr 01.05.15)	kr 881 491
- Godtgjersle tilsvarende 50 %	kr 440 745
- 20 % varaordførar i tillegg til tidlegare 10 %	kr 176 298
= Midlar til rest	kr 264 447

Dersom ordførar mottok 50 % godtgjersle og varaordførar får 30 % godtgjersle mot 10 % i dag, så vil det utgjere kr 264 447 i samla mindre godtgjersle. Dette er godtgjersle ekskl pensjonskostnad (som utgjør 18,8 % av løna). Amdam har bedt om å ikkje verte meldt inn i pensjonsordninga.

Mynde som kan tilleggast ordførar

Rolle og mynde til ordførar er regulert i kommunelova § 9 nr 3, 4 og 5. Nr 5 regulerer kva mynde som kommunestyret kan delegere til ordførar, sitat:

"Kommunestyret og fylkestinget kan gi ordfører og fylkesordfører myndighet til å treffe vedtak i enkeltsaker eller i typer av saker som ikke er av prinsipiell betydning."

I kommentarane til kommunelova er det m.a sitert følgjande frå lovforarbeida under argumentasjon for at ordførar kan få delegert mynde; *"Den ytre rammen for delegasjonsadgangen bør vere rimelig fleksibel, og på same måte som i forhold til administrasjonssjefen foreslås adgang til delegasjon av avgjørelsesmyndighet i enkeltsaker eller typer av saker som ikke er av prinsipiell betydning."*

Ei sak vert ikkje oppfatta som prinsipiell, eller er kurant, når det ligg føre klare retningslinjer for korleis ho skal handsamast, ein har praksis frå handsaming av liknande saker, samt at saka ikkje har større økonomiske eller andre konsekvensar. Det kan som utgangspunkt vere nyttig i sonderinga av kva som er prinsipielle saker å spørje om det som grunnlag for avgjerda trengst meir enn ei fagleg og/eller regelbunden vurdering eller handsaming. Saker som krev utøving av skjøn og prioriteringar er prinsipielle og kan ikkje delegerast til ordførar.

VURDERING OG KONKLUSJON:

Storleiken på funksjonen og godtgjersla til ordførar og varaordførar er forhold som kommunestyret skal ta stilling til ut frå ei politisk vurdering, og det ligg ikkje naturleg til rådmannen å innstille til vedtak om dette. Kommunestyret kan velje å handsame dette i eiga sak eller handsame det i samband med budsjettvedtaket. Inntil det vert gjort anna vedtak gjeld eksisterande reglement med 100 % godtgjersle til ordførar og 10 % godtgjersle til varaordførar.

Volda kommune har inngått pensjonsordning for ordførar. Administrasjonen er i gang med å avklare om ordføraren sjølv kan be seg fritaken frå innmelding i ordninga eller om kommunestyret må godkjenne eit slikt fritak.

Dersom samla utbetaling av godtgjersle til ordførar og varaordførar vert redusert, så skal dette innarbeidast i budsjettet. Dei midlane som vert frigjort skal kommunestyret godkjenne kva formål dei skal gå til. Kor vidt ordføraren etter særskilt delegeringsvedtak kan få mynde til å disponere heile eller delar av desse midlane, innanfor det formålet kommunestyret har bestemt, vert å vurdere ut frå kommunelova § 9.

Rune Sjurgard
Rådmann

Utskrift av endeleg vedtak:
Volda formannskap
Ordførar Jørgen Amdam

Jørgen Amdam, Volda 14.10.2015

Til Rådmann Rune Sjurgard

Volda kommune

MIN SITUASJON SOM ORDFØRAR

Om eg blir vald til ordførar vil eg gjere merksam på desse forholda som kan ha budsjettmessige konsekvensar, og som må takast opp med kommunestyret:

1. **80 % «stilling» på grunn av andre oppgåver.** I dag er eg pensjonist og i tillegg har eg 20 % stilling ved HVO og som eg har sagt opp frå 1.11. Samstundes har eg teke på meg forpliktingar som rettleiar av masteroppgåver og fagleg ansvar for kurs som eg ikkje kan seie frå meg og som minst forpliktar meg fram til sommaren 2016. I tillegg har eg stadig henvendingar om å delta på prosjekt t.d. i regi av KS, foredrag m.m. I praksis betyr dette at vervet som ordførar for meg bør avgrensast til 80 % av normal arbeidstid. Eg vil be om at varaordførar si arbeidstid blir utvida frå 10 % til 30 % med tilsvarande auke i godtgjersle, jamfør nedanfor.
2. **50 % av stortingsrepresentantlønn.** Ordførar si godtgjering er i dag knytt til stortingsrepresentantar og med pensjon. Eg er i dag pensjonist og med statspensjon som garanterer inntekt tilsvarande 66 % av lønna eg hadde som professor. Pensjon og 50 % av godtgjersla til ordførar vil gi om lag same inntekt som eg har i dag med pensjon og andre inntekter som vil falle vekk. Om det blir betalt pensjonsinnskott vil det redusere pensjonen frå statens pensjonskasse og utan at min pensjon på sikt blir nemnande påverka. Eg vil derfor be om at godtgjersla til meg blir satt til 50 % av stortingsrepresentantlønn og utan pensjon.
3. **30 % av godtgjersla til utviklingsarbeid.** Eg vil foreslå at dei 30 % av godtgjersla til ordførar som ikkje er disponert blir avsett til utviklingsarbeid og som ordførar disponerer. Til dømes vil eg peike på at kommuneplanen skal rullerast og vi må bruke tid og ressursar politisk og administrativt for utvikling av langsiktige strategiar som vi alle eig og legg kraft bak. Vi arbeider med store tiltak som Volda-tunnelen, miljøgate m.m. som må følgast opp.

Om kommunestyret godkjenner desse endringane reknar eg med at dei vil tre i kraft frå årsskiftet.

Jørgen Amdam

Sign.



VOLDA KOMMUNE

Ordførar

Jørgen Amdam
SMALEBAKKEN 10
6103 VOLDA

<i>Arkivsak nr.</i>	<i>Løpenr.</i>	<i>Arkivkode</i>	<i>Avd/Sakshandsamar</i>	<i>Dato</i>
2015/2166	/2015	290445, Amdam, Jørgen	ORDF/ POL-AI	19.10.2015

ORDFØRAR PÅ DELTID

Syner til ditt brev til rådmann Rune Sjurgard, Volda kommune datert 14. oktober. Innhaldet i brevet er også gjort kjent gjennom media.

Du gjer i brevet ditt greie for korleis du vil utforme ansvaret for omboda som ordførar og varaordførar i Volda om du vert vald når det nye kommunestyret møtest 29. oktober. Slik eg ser det handlar dette ikkje berre om ei melding til rådmannen om praktisk tilrettelegging. Det rører ved prinsippa for korleis folkevald styring er tenkt praktisert i Volda dei neste fire åra, og er soleis først og fremst eit politisk spørsmål. Eg har i dag meldt frå til rådmannen at eg som ordførar vil utforme svaret på brevet frå deg, slik at det nye kommunestyret kan ha eit tilstrekkeleg avgjerdsgrunnlag. Ditt brev og mitt svar vert lagt ved saka om val av ordførar i det konstituerande møtet. Kommunestyret kan då betre vere budd på ei brei drøfting av korleis ein ynskjer politisk leiing i Volda skal vere organisert.

Etter det eg har sett har Volda hatt ordførar i fulltid i alle fall sidan 1991. Denne ordninga har vore samanhengande slik for mange ulike kommunestyre og fleire ordførarar. Enkelte av dei minste kommunane i landet har ordførar på deltid også i dag. Når det gjeld godt over middels store kommunar som Volda med 9000 innbyggjarar, er deltidsordførar så langt eg kjenner til eineståande.

Ut frå lang tradisjon med ordførar i full tid, er det naturleg at innbyggjarane i Volda ventar at dei som presenterer seg som ordførarkandidatar før eit val er budde på å gå inn i dette for fullt. Eg skuldar å gjere deg merksam på at fleire har vendt seg til meg som ordførar med synspunkt på at ditt ynskje om å vere ordførar på deltid burde ha vore gjort kjent for veljarane før valet. Dette fordi grunngjevinga for di prioritering har vore kjent for deg sjølv over tid.

For ordens skuld vil eg gjere merksam på at ein ordførar ikkje er tilsett i ei stilling med definert arbeidstid slik ein kan få inntrykk av i brevet frå deg. Å vere ordførar er eit ombod med ei godtgjering bestemt av kommunestyret. Ordføraroppgåva er så krevjande at det har det vore lite rom for andre oppgåver eller forpliktingar utanfor politikken. Det vil sannsynleg også vere situasjon og naturleg forventning framover.

Varaordfører i Volda har heller ikkje hatt arbeidstid på 10% slik du omtalar det. Men varaordfører har ei godtgjering som er fastsett til 10% av ordførarløn. Dette skal dekke det kontinuerleg meiransvaret som varaordfører har og for det arbeidet han utfører når ordfører ikkje er tilgjengeleg. Dette gjeld også i samband med ferieavvikling.

Slik eg forstår det skal du om du vert vald til ordfører dele kontor med varaordfører som no er tiltenkt 30% arbeidstid slik du formulerer det. Dei som på ulik måte vender seg til ordføraren både internt i kommunen og utanfrå bør på førehand vite kven dei møter og kven som til ei kvar tid representerer kommunen. Spesiell merksemd må ein ha når det gjeld ordfører sitt tydlege og kontinuerlege ansvar for beredskapen til Volda kommune.

Du peikar på at 30% av normal ordførargodtgjersle som ikkje er disponert i dei komande åra skal nyttast til utviklingsarbeid og at det er ordføraren sjølv som skal disponere desse midlane. Det vil vere nytt at ordføraren skal få fullmakt til å disponere så store beløp utan at det er politiske vedtak på korleis desse vert brukt. Eg vil rå til at det er kommunestyret som framleis gjer vedtak om korleis kommunen skal nytte midlar til utvikling av Voldasamfunnet. Det er alt avsett midlar i budsjett og økonomiplan når det gjeld pågåande arbeid med kommuneplanen. Det vil difor slik eg ser det ikkje vere nødvendig eller ynskjeleg å bruke godtgjering tiltenkt ordfører til dette arbeidet.

Det vert til sist opp til kommunestyret i konstituerande møte knytt til sak om val av ordfører å drøfte desse og eventuelt andre moment som varsla endra praksis vil medføre. Ein del av drøftinga kan vere om den løysinga du foreslår styrker eller svekker det lokalpolitiske arbeidet generelt, men også kva konsekvensar det vil ha for behovet for tydleg politisk leiarskap.

Med helsing



Arild Iversen
ordfører

For journalføring. Set saka på meg.

Mvh

Rune

Fra: Odd A. Folkestad [mailto:folkesf@online.no]

Sendt: 25. Oktober 2015 23:36

Til: Rune Sjurgard

Kopi: Arild Iversen

Emne: Notat av 14.10.2015 frå Jørgen Amdam til rådmannen i Volda

Vi har i samband med mottekne saksdokument m/vedlegg til kommunestyremøtet 29/10, fått innsyn i notat av 14.10.2015 frå Jørgen Amdam (ordførarkandidat for Volda AP) - notatet er stila til deg som rådmann.

Vi ber om at du som rådmann i eit svarnotat som kan leggjast ved kommunestyredokumenta - svarar på spørsmåla Amdam har reist. M.a. ber vi om at storleiken på beløpa som er nemnde vert konkretiserte. Når det gjeld pkt 3, ynskjer vi og di vurdering av korleis dette stiller seg i høve til gjeldande lovverk, forskrifter og kommunale reglement.

Med helsing

Volda Høgre

Dan Bjørneset

Volda Framstegsparti

Odd A. Folkestad

Sendt fra min iPhone

Sonja Håvik

OS 136/15

Fra: Rune Sjurgard
Sendt: 7. desember 2015 08:58
Til: V-Postmottak
Kopi: Jørgen Amdam
Emne: VS: Utsendingar til landstinget i LNK - konstituering

Oppfølgingsflagg: Følg opp
Status for flagg: Fullført

Ber om at denne vert sendt ut som orienteringssak for formannskapet.

Mvh

Rune

Fra: V-Postmottak
Sendt: 4. Desember 2015 12:49
Til: Rune Sjurgard; Jørgen Amdam
Emne: VS: Utsendingar til landstinget i LNK - konstituering

Fra: Vidar Hoviskeland [<mailto:vidar.hoviskeland@gmail.com>]
Sendt: 4. desember 2015 10:45

Til: Lom kommune; Nord-Fron kommune; Skjåk kommune; Vang kommune; Vestre Slidre kommune; Vågå kommune; Gol kommune; Hemsedal kommune; Regionrådet for Hallingdal; Ål kommune; Fyresdal kommune; Kviteseid kommune; Nissedal kommune; Seljord kommune; Tokke kommune; Vest-Telemarkrådet; Vinje kommune; Bygland kommune; Bykle kommune; KAAIKS; Setesdal regionråd; Valle kommune; Sirdal kommune; Åseral kommune; Bjerkreim kommune; Bokn kommune; Finnøy kommune; Forsand kommune; Hjelmeland kommune; Hå kommune; Jærmuseet; Rogaland fylkeskommune; Ryfylke IKS; Ryfylkemuseet; Sauda kommune; Suldal kommune; Time kommune; Tysvær kommune; Vindafjord kommune; Austevoll kommune; Austrheim kommune; BKK; Bømlo kommune; Eidfjord kommune; Etne kommune; Fedje kommune; Fitjar kommune; Fjell kommune; Fusa kommune; Granvin herad; Hardanger Energi; Hardangerrådet; Hordaland fylkeskommune; IS Fjordvegen; Jondal kommune; Kvam herad; Kvinnherad kommune; Lindås kommune; Masfjorden kommune; Meland kommune; Modalen kommune; Odda kommune; Osterøy kommune; Radøy kommune; Samarbeidsrådet for Sunnhordland; Samnanger kommune; SIM; Stord kommune; Sund kommune; Sveio kommune; Tysnes kommune; Tysnes Kraftlag; Ullensvang herad; Ulvik herad; Vaksdal; Vilgerd Storset Husa; Voss kommune; Øygarden kommune; Askvoll kommune; Aurland kommune; Bremanger kommune; Eid kommune; Fjaler kommune; Flora kommune; Førde kommune; Gaular kommune; Gloppen kommune; Gulen kommune; Hornindal kommune; Hyllestad kommune; Høyanger kommune; Jølster kommune; Luster kommune; Lærdal kommune; Sogn og Fjordane fylkeskommune; Sogn regionråd; Sogndal kommune; Solund kommune; Stryn kommune; Sunnfjord Energi; Vik kommune; Årdal kommune; Aukra; Giske kommune; Haram kommune; Postmottak Hareid; postmottak; Leikanger; Møre og Romsdal fylkeskommune; Norddal kommune; Sande kommune; Sandøy kommune; Stordal kommune; Stranda kommune; Sula kommune; Surnadal kommune; Sykkylven kommune; Tussakraft; Ulstein Postmottak; Resepsjon postmottak; Vestnes kommune; V-Postmottak; Ørskog kommune; Ørsta postmottak

Emne: Utsendingar til landstinget i LNK - konstituering

Rådmann/ordfører

Ein del av medlemene i LNK har som rutine å velja utsendingar til landstinget vårt i samband med konstitueringa etter kommunevalet. Dette gjer at LNK kan senda relevant informasjon til utsendingane gjennom heile perioden, og me vil gjerne be om at fleire medlemmer vel utsendingar på denne måten. Det at ein kommune/fylkeskommune vel faste utsendingar, er sjølvstyk ikkje til hinder for at andre interesserte i organisasjonen også kan delta på Landstinget.

Som de vil kjenna til har LNK landsting annakvart år, og det neste tinget vert halde i Ulsteinvik 8. og 9. juni 2017. Landstinga går "på omgang" i fylka, og i 2019 skal det arrangerast i Sogn og Fjordane, men kommune er ikkje bestemt enno.

Med vennleg helsing

Vidar Høviskeland
dagleg leiar LNK

--

Landssamanslutninga av nynorskkommunar (LNK)

E-post: post@LNK.no

tlf.: 0047 90 50 66 17

Postadresse: Pb 7044 St.Olavs plass, 0130 OSLO

Kontoradresse: Pilestredet 8, OSLO

www.LNK.no

Org. nr. 9743 39943